



Anwar disambut Sheikh Saoud sebaik tiba di Doha, semalam.

(Foto BERNAMA)

Anwar hadiri Sidang Kemuncak Luar Biasa Arab-Islam di Doha

Doha: Perdana Menteri Datuk Seri Anwar Ibrahim tiba di sini malam kelmarin untuk menghadiri Sidang Kemuncak Luar Biasa Arab-Islam, yang akan disertai pemimpin dan wakil negara anggota Pertubuhan Kerjasama Islam (OIC) semalam.

Pesawat khas membawa Anwar mendarat di Lapangan Terbang Antarabangsa Hamad pada 9.30 malam Ahad waktu tempatan (2.30 pagi Isnin waktu

Malaysia).

Perdana Menteri menghadiri sidang kemuncak luar biasa itu atas jemputan Emir Qatar Sheikh Tamim Hamad Al-Thani, sualan perkembangan terkini membabitkan serangan Israel terhadap negara itu.

Sejurus tiba Perdana Menteri meneri' ma kawalan kehormatan daripada Pengawal Istiadat Amiri dan disambut Timbalan Perdana Menteri merangkap

Menteri Pertahanan Qatar, Sheikh Saoud Abdulrahman Al Thani.

Turut hadir Menteri Luar Malaysia, Datuk Seri Mohamad Hasan serta Duta Besar Malaysia ke Qatar, Faizal Razali.

Delegasi Perdana Menteri disertai Timbalan Menteri di Jabatan Perdana Menteri (Hal Ehwal Agama), Dr Zulkifli Hasan dan pegawai kanan Kementerian Luar.